

## 1997 nr. 19 17. apríl

### Sóttvarnalög<sup>1)</sup>

<sup>1)</sup> 3. gr. laganna var breytt með l. 100/2020, 112. gr.; breytingin tekur gildi 1. jan. 2021 skv. 111. gr. s.l.

**Tóku gildi 1. janúar 1998.** *Breytt með:* L. 90/2000 (tóku gildi 1. sept. 2000), L. 74/2002 (tóku gildi 17. maí 2002; komu til framkvæmda skv. fyriðmælum í 36. gr.), L. 93/2002 (tóku gildi 31. maí 2002), L. 164/2002 (tóku gildi 1. jan. 2003), L. 55/2004 (tóku gildi 14. júní 2004), L. 76/2005 (tóku gildi 1. jan. 2006), L. 43/2007 (tóku gildi 31. mars 2007), L. 167/2007 (tóku gildi 1. jan. 2008), L. 88/2008 (tóku gildi 1. jan. 2009 nema brábkv. VII sem tók gildi 21. júní 2008), L. 112/2008 (tóku gildi 1. okt. 2008 nema 12. tölul. 59. gr. sem tók gildi 25. sept. 2008; komu til framkvæmda skv. fyriðmælum í 2. mgr. 56. gr.), L. 162/2010 (tóku gildi 1. jan. 2011), L. 126/2011 (tóku gildi 30. sept. 2011), L. 117/2016 (tóku gildi 1. jan. 2018, nema 52., 53., 75., 76. og 79.–81. gr. sem tóku gildi 28. okt. 2016), L. 99/2020 (tóku gildi 23. júlí 2020). L. 100/2020 (taka gildi 1. jan. 2021 nema 5. mgr. 53. gr. og 79. gr. sem tóku gildi 23. júlí 2020); *EES-samningurinn*; sjá 110. gr.

Ef í lögum þessum er getið um ráðherra eða ráðuneyti án þess að malefnasvið sé tilgreint sérstaklega eða til þess vísað, er átt við **heilbrigðisráðherra** eða **heilbrigðisráðuneyti** sem fer með lög þessi.

### I. kafli. Skilgreiningar.

#### ■ 1. gr.

- Almennar sóttvarnar eru þær ráðstafanir sem lög þessi kveða á um að ávallt skuli beita vegna smitsjúkdóma.
- Opinberar sóttvarnar eru þær ráðstafanir sem skal beita vegna hættulegra smitsjúkdóma:
  1. þegar hætta er á að farsóttir berist til eða frá Íslandi,
  2. þegar hætta er á útbreiðslu farsóttu innan lands,
  3. þegar smitaður einstaklingur skapar hætta á útbreiðslu smits með framferði sínu.

#### ■ 2. gr.

- [Lög þessi fjalla um sjúkdóma og sjúkdómsvalda sem valdið geta farsóttum og ógnað almannuheill, svo og aðrar alvarlegar næmar sóttir. Með sjúkdónum er átt við sjúkdóma eða smitum sem smitefni, örverur eða sníkjudýr valda og einnig alvarlegar heilsufarslegar afleiðingar eiturefna og geislavirkra efna. Lögin taka einnig til óvenjulegra og óvantraut atburða sem geta haft alvarlegar heilsufarslegar afleiðingar meðal þjóða heims.]<sup>1)</sup>

<sup>1)</sup> L. 43/2007, 1. gr.

#### ■ 3. gr.

- [Ráðherra ákveður með reglugerð,<sup>1)</sup> að fengnum tillögum sóttvarnaráðs, hvaða smitsjúkdómar eða sjúkdómar af völdum eiturefna og geislavirkra efna eru skráningarskyldir og hvaða sjúkdómar eru tilkynningarskyldir, sbr. 1. og 2. mgr. 9. gr. Af skráningarskyldum smitsjúkdónum eru þeir sjúkdómar tilkynningarskyldir sem ógnað geta almannuheill. Einnig skal tilkynna um sérhverja þá atburði sem geta haft alvarlegar heilsufarslegar afleiðingar á meðal þjóða heims, þ.m.t. atburði sem eru af óþekktri orsök eða uppruna.]<sup>2)</sup>

□ Með skráningarskyldu er átt við skyldu til að senda sóttvarnalæknini ópersónugreindar upplýsingar, en með tilkynningarskyldu er átt við skyldu til að senda honum persónugreindar upplýsingar um sjúkdómstilvik.

□ Sóttvarnalæknir er ábyrgur fyrir því að haldin sé smitsjúkdómaskrá. [Skráin tekur til sjúkdóma, sjúkdómsvalda og atburða, sbr. 2. gr., ónæmisaðgerða, sbr. 1. tölul. 5. gr., og sýklalyfjanotkunar, sbr. 3. tölul. 5. gr., og er til stuðnings sóttvarnastarfí og faraldsfræðirannsóknunum.]<sup>2)</sup> Gæta skal fyllsta trúnaðar um allar einkaupplýsingar sem fram koma í smitsjúkdómaskrá og gilda um skrána sömu reglur og um aðrar sjúkraskrár.

□ [Sóttvarnalæknir skal fá afhentar upplýsingar úr lyfjagagnagrunni landlæknis skv. 27. gr. lyfjalaga og frá heil-

brigðisstofnunum til að halda skrá um sýklalyfjanotkun. Upplýsingarnar skulu vera ópersónugreinlanlegar.]<sup>3)</sup>

<sup>1)</sup> Rg. 221/2012, sbr. 816/2012 og 226/2019. <sup>2)</sup> L. 43/2007, 2. gr. <sup>3)</sup> L. 55/2004, 1. gr.

### II. kafli. Yfirstjórn sóttvarna.

#### ■ 4. gr.

- Embætti landlæknis ber ábyrgð á framkvæmd sóttvarna undir yfirstjórn [ráðherra].<sup>1)</sup>
- [Við embætti landlæknis skal starfa sóttvarnalæknir sem ber ábyrgð á sóttvörnum. Sóttvarnalæknir skal hafa þekkingu á smitsjúkdóum og faraldsfræði þeirra.]<sup>2)</sup>
- Sóttvarnalæknir skal í starfi sínu hafa samvinnu við [yfirlækna heilsugæslu],<sup>3)</sup> aðra starfsmenn og stofnanir heilbrigðispjónustunnar, heilbrigðisnefndir og [Matvælastofnun]<sup>4)</sup> eftir því sem við á.
- [Ráðherra ákveður með reglugerð<sup>5)</sup> hvaða yfirlæknar heilsugæslu skulu vera ábyrgir fyrir sóttvörnum undir stjórn sóttvarnalæknis.]<sup>3)</sup>
- [Yfirlæknar heilsugæslu, sbr. 4. mgr.],<sup>3)</sup> og sóttvarnalæknir skulu hafa samstarf um framkvæmd nauðsynlegra sóttvarna og njóta aðstoðar löggregluyfirvalda ef með þarf.
- [Sóttvarnalæknir er heimil vinnsla persónuupplýsinga, þar á meðal viðkvæmra persónuupplýsinga um heilsufar og lyfjanotkun einstaklinga, í þeim tilgangi að verjast alvarlegum heilsufarsógnum og til að sinna lögbundnu hlutverki sínu samkvæmt lögum þessum að uppfylltum skilyrðum laga um persónuvernd og vinnslu persónuupplýsinga.]<sup>6)</sup>

<sup>1)</sup> L. 126/2011, 230. gr. <sup>2)</sup> L. 90/2000, 1. gr. <sup>3)</sup> L. 93/2002, 15. gr. <sup>4)</sup> L. 167/2007, 77. gr. <sup>5)</sup> Rg. 387/2015. <sup>6)</sup> L. 99/2020, 9. gr.

#### ■ 5. gr.

- Verksvið sóttvarnalæknis er aðallega eftifarandi:
  1. Að skipuleggja og samræma sóttvarnar og ónæmisaðgerðir um land allt, m.a. með útgáfu leiðbeininga um viðbrögð við farsóttum.
  2. Að halda smitsjúkdómaskrá til að fylgjast með útbreiðslu smitsjúkdóma með öflun nákvæmra upplýsinga um greiningu þeirra frá rannsóknastofum, sjúkrahúsum og læknium.
  3. Að halda skrá um notkun manna á sýklalyfum sem valdið geta ónæmi sýkla gegn sýklalyfum.]<sup>1)</sup>
- [4.]<sup>1)</sup> Að koma upplýsingum um útbreiðslu smitsjúkdóma, innan lands sem utan, með reglubundnum hætti og eftir þörfum til lækna og annarra heilbrigðisstarfsmanna.
- [5.]<sup>1)</sup> Að vera læknum og öðrum, sem við sóttvarnar fást, til ráðgjafar.
- [6.]<sup>1)</sup> Að hafa umsjón með forvörnum gegn smitsjúkdónum, m.a. upplýsingum og fræðslu til almennings um þessi efni.

<sup>1)</sup> L. 55/2004, 2. gr.

#### ■ 6. gr.

- Ráðherra skal skipa sjó manna ráð, sóttvarnaráð, til fjögurra ára í senn. Þar skulu eiga sæti sérfræðingar á svíði smitsjúkdómalæknings, bakteríufræði, veirufræði, kynsjúkdóma og faraldsfræði/heilbrigðisfræði, heilsugæslulæknir og hjúkrunarfræðingur með sérþekkingu á svíði sóttvarna. Ráðherra skipar formann úr hópi ráðsmanna. Varamenn skulu skipaðir með sama hætti.
- Þegar fjallað er um mál í sóttvarnaráði, sem tengjast starfssviði [Umhverfisstofnunar],<sup>1)</sup> [Geislavarma ríkisins]<sup>2)</sup> eða [Matvælastofnun],<sup>3)</sup> skulu fulltrúar þeirra stofnana sitja fundi ráðsins, eftir því sem við á, með málfrelsi og tillögurétti.

- Sóttvarnaráð mótar stefnu í sóttvörnum og skal vera heilbrigðisfyrvöldum til ráðgjafar um aðgerðir til varnar útbreiðslu smitsjúkdóma.
- Ráðið skal hafa aðsetur hjá embætti landlæknis og skal sóttvarnalæknir vera ritari þess.

<sup>1)</sup> L. 164/2002, 26. gr. <sup>2)</sup> L. 43/2007, 3. gr. <sup>3)</sup> L. 167/2007, 77. gr.

### III. kafli. Almennar sóttvarnaráðstafanir.

#### 1. Skyldur einstaklinga.

##### ■ 7. gr.

- Það er almenn skylda að gjalda sem mesta varuð við smitsjúkdóum og gera sér allt far um að sýkja hvorki sjálfan sig né aðra, að svo miklu leytí sem framkvæmanlegt er.
- Hver sá sem hefur ástæðu til að halda að hann hafi smitast af smitsjúkdómi sem ógnað geti öðrum mönnum er skyldur að leita læknis án tafar. Leiði læknisrannsókn í ljós að um slískan sjúkdóm sé að ræða er viðkomandi skyldur að fylgja fyrirmælum læknis um meðferð og ráðstafanir til að fyrirbyggja smitun.

□ Ef læknir telur mikilvægt að rekja smit til að hefta frekari útbreiðslu þess ber sjúklingi skylda til að veita nauðsynlegar upplýsingar um það af hverjum hann gæti hafa smitast, svo og hverja hann kann að hafa smitað. Komi læknirinn því ekki við ber honum að vísa sjúklingi til stofnunar sem aðstöðu hefur til að rekja smit. Skylt er hlutadeigendum að hlýða fyrirmælum læknis um nauðsynlegar rannsóknir til varnar útbreiðslu smits frá sjúklingi.

#### 2. Skyldur lækna og annarra heilbrigðisstarfsmanna.

##### ■ 8. gr.

- Læknar og aðrir heilbrigðisstarfsmenn skulu í starfi sínu hafa vakandi auga með smitsjúkdóum og útbreiðslu þeirra.

##### ■ 9. gr.

- Læknir, sem kemst að því í starfi sínu að einstaklingur hefur smitast af smitsjúkdómi sem samkvæmt lögum þessum er tilkynningarskyldur eða hefur rökstuddan grun um að svo sé, skal þegar í stað tilkynna það . . . <sup>1)</sup> sóttvarnalæknir.
- Hliðstæð skylda hvílir á forstöðumönnum rannsóknastofa, sjúkradeilda og annarra heilbrigðisstofnana. Rannsóknastofur, sem fást við rannsóknir á sýnum frá sjúklingum með smitsjúkdóma sem lög þessi taka til, skulu hafa starfslæyfi [ráðherra].<sup>2)</sup>
- Hlutaðeigandi aðilum er skylt að aðstoða [sóttvarnalæknir og yfirlæknir heilsugæslu, sbr. 4. mgr. 4. gr.],<sup>1)</sup> m.a. með því að veita upplýsingar sem þeir telja nauðsynlegar vegna sóttvarna.
- [Forstöðumönnum heilbrigðisstofnana er skylt að senda sóttvarnalæknir upplýsingar um magn sýklalyfja sem notað er á viðkomandi stofnun, skipt eftir deildum þar sem það á við.]<sup>3)</sup>

<sup>1)</sup> L. 93/2002, 16. gr. <sup>2)</sup> L. 162/2010, 66. gr. <sup>3)</sup> L. 55/2004, 3. gr.

##### ■ 10. gr.

- Hafi læknir, sem hefur sjúkling til meðferðar sem haldinn er smitsjúkdómi, rökstuddan grun eða vitneskju um að sjúklingurinn fylgi ekki fyrirmælum sem honum voru sett um umgengni og meðferð skal hann tilkynna það þegar í stað til viðkomandi [yfirlæknis heilsugæslu, sbr. 4. mgr. 4. gr.],<sup>1)</sup> eða sóttvarnalæknis.

<sup>1)</sup> L. 93/2002, 17. gr.

[3. Skyldur heilbrigðisfulltrúa, heilbrigðisnefnda, dýralækna, Geislavarna ríkisins, [Matvælastofnunar]<sup>1)</sup> og Umhverfisstofnunar]<sup>2)</sup>

<sup>1)</sup> L. 167/2007, 77. gr. <sup>2)</sup> L. 43/2007, 4. gr.

### ■ 11. gr.

- [Heilbrigðisfulltrúa, samkvæmt lögum um hollustuhætti og mengunarvarnir, dýralæknar og starfsmenn [Matvælastofnunar],<sup>1)</sup> Umhverfisstofnunar og Geislavarna ríkisins skulu tilkynna viðkomandi yfirlæknir heilsugæslu, sbr. 4. mgr. 4. gr., eða sóttvarnalæknir jafnskjótt og þeir hafa orðið varir við hugsanlega smithættu eða hættu vegna eiturefna eða geislavirkra efna. Yfirlæknir heilsugæslu, sbr. 4. mgr. 4. gr., eða sóttvarnalæknir skal á sama hátt tilkynna viðkomandi heilbrigðisnefnd, dýralæknir, [Matvælastofnun],<sup>1)</sup> Umhverfisstofnun eða Geislavörnum ríkisins, eftir því sem við á, strax og þeim verður kunnugt um smithættu eða hættu af völdum eiturefna eða geislavirkra efna. Sóttvarnalæknir skal gefa heilbrigðisnefndum nauðsynlegar upplýsingar og ráð og hafa eftirlit með því að til viðeigandi ráðstafana sé gripið.

□ Ráðherra skipar sérstaka samstarfsnefnd til að afla nauðsynlegra gagna og hafa yfirumsjón með nauðsynlegum aðgerðum til að meta og uppræta smithættu eða hættu sem stafar af dýrum, matvælum, starfsemi, vatni, skolplögnum, loftræstingu eða öðru í umhverfinu sem getur dreift smitnænum sjúkdómsvöldum, eiturefnum eða geislavirkum efnum sem ógna heilsu manna. [Samstarfsnefnd samkvæmt þessari málsgrein er heimil vinnsla persónuupplýsinga, þar á meðal viðkvæmra persónuupplýsinga um heilsufar einstaklinga, til að uppfylla skyldur sínar samkvæmt lögum þessum að uppfylltum skilyrðum laga um persónuvernd og vinnslu persónuupplýsinga].<sup>2)</sup> Í nefndinni sitja sóttvarnalæknir, sem jafnfram er formaður, tveir fulltrúa tilnefndir af [Matvælastofnun]<sup>1)</sup> og skal annar vera sérfróður um matvælaöryggi en hinn um smitsjúkdóma í dýrum, einn frá Geislavörnum ríkisins og tveir frá Umhverfisstofnun og skal annar vera sérfróður um matvælaöryggi en hinn um eiturefni. Varamenn skulu skipaðir á sama hátt. Nefndinni er heimill aðgangu að nauðsynlegum gögnum og öllum stöðum sem hún telur nauðsynlegt að skoða og getur fengið til þess aðstoð lögreglu ef með þarf. Nefndin skal gefa öllum þeim sem hafa eftirlit með dýrum, matvælum og umhverfi fyrirmæli um að grípa án tafar til allra nauðsynlegra aðgerða til að uppræta hættu af völdum smits, eiturefna eða geislavirkra efna. Að öðru leyti skal framkvæmd vera í samræmi við lög þessi og, eftir því sem við á, sérlög um einstaka eftirlitsaðila].<sup>3)</sup>

<sup>1)</sup> L. 167/2007, 77. gr. <sup>2)</sup> L. 99/2020, 10. gr. <sup>3)</sup> L. 43/2007, 4. gr.

### IV. kafli. Opinberar sóttvarnaráðstafanir.

#### 1. Sóttvarnaráðstafanir vegna hættu á farsóttum innan lands.

##### ■ 12. gr.

- Ef tilkynningar til sóttvarnalæknis um smitsjúkdóma benda til að farsótt sé yfirvofandi skal hann þegar í stað gera [ráðherra]<sup>1)</sup> viðvert.

□ [Ráðherra ákveður]<sup>2)</sup> að fenginn tillögu sóttvarnalæknis hvort grípa skuli til opinberra sóttvarnaráðstafana, svo sem ónemisaðgerða, einangrunar smitaðra, sóttthreinsunar, afkvíunar byggðarlagra eða landsins alls, lokunar skóla eða samkomubanns].<sup>3)</sup> [Sóttvarnalæknir getur beitt slíkum vörnum til bráðabirgða án þess að leita heimildar fyrir fram ef hann telur að hvers konar töf sé hættuleg, en gera skal hann ráðherra jafnskjótt kunnar ráðstafanir sínar].<sup>4)</sup>

□ [Brjótist út hópsýking eða farsótt sem ógnar heilsu manna skal sóttvarnalæknir gera faraldsfræðilega rannsókn á uppruna smits og hefur í slíkum tilvikum sama rétt til aðgangs að gögnum og til skoðunar og kveðið er á um í 2. mgr. 11. gr.].<sup>5)</sup>

<sup>1)</sup> L. 162/2010, 66. gr. <sup>2)</sup> Augl. 811/2020, sbr. augl. 865/2020 og augl. 936/2020.

Rg. 864/2020, sbr. 907/2020, 910/2020 og 929/2020.<sup>3)</sup> L. 43/2007, 5. gr.<sup>4)</sup> L. 93/2002, 19. gr.<sup>5)</sup> L. 90/2000, 3. gr.

2. Sóttvarnaráðstafanir vegna hættu á farsóttum til eða frá Íslandi.

### ■ 13. gr.

□ [Um sóttvarnaráðstafanir, sem grípa má til vegna hættu á farsóttum frá útlöndum eða frá Íslandi til útlanda, skal setja reglugerð<sup>1)</sup> í samræmi við efni þeirra alþjóðasamninga sem Ísland er aðili að, svo sem alþjóðaheilbrigðisreglugerðar Alþjóðaheilbrigðismálastofnunarinnar. Sóttvarnalæknir er tengiliður Íslands við samsvarandi tengilið Alþjóðaheilbrigðismálastofnunarinnar í samræmi við ákvæði alþjóðaheilbrigðisreglugerðarinnar.]<sup>2)</sup>

<sup>1)</sup> Rg. 817/2012, sbr. 581/2020, 640/2020 og 703/2020. Rg. 800/2020, sbr. 893/2020. <sup>2)</sup> L. 43/2007, 6. gr.

3. Aðgerðir vegna hættu á útbreiðslu smits frá einstaklingum.

### ■ 14. gr.

□ Nú telur sóttvarnalæknir er honum berst tilkynning um smitsjúkdóma að grípa þurfi til frekari ráðstafana en læknir hefur þegar gert til þess að fyrirbyggja eða hefta útbreiðslu smitunar sem ógnað getur almannaheill. Skal hann þá í samráði við [yfirlæknin heilsugæslu, sbr. 4. mgr. 4. gr.],<sup>1)</sup> sjá til þess að til slíkra aðgerða sé gripið. Takist ekki samstarf við viðkomandi aðila getur hann, ef þurfa þykir, leitað aðstoðar lögreglugrifvalda vegna aðgerða til varnar smiti. [Yfirlæknin heilsugæslu, sbr. 4. mgr. 4. gr.],<sup>1)</sup> getur einnig gripið til slíkra aðgerða í forföllum sóttvarnalæknis.

□ Með aðgerðum er átt við læknisrannsókn, einangrun hins smitaða á sjúkrahúsi og aðrar nauðsynlegar ráðstafanir. Áður en gripið er til þvingunaraðgerða skal ætíð reynt að leysa mál með öðrum hætti.

□ Ákvörðun sóttvarnalæknis eða [yfirlæknis heilsugæslu, sbr. 4. mgr. 4. gr.],<sup>1)</sup> um aðgerðir af þessu tagi má kæra til [ráðherra].<sup>2)</sup> Kæra frestar ekki framkvæmd.

□ [Telji sóttvarnalæknir hættu á að næmar sóttir sem ógnað geta almannaheill berist til landsins getur hann beint tilmælum til ráðherra um að setja reglugerð um að þeir sem koma til landsins og talin er hættu á að beri með sér slíkar sóttir skulu sæta læknisrannsókn [í samræmi við 23., 30.–32. og 45. gr. alþjóðaheilbrigðisreglugerðarinnar].]<sup>3)</sup>

<sup>1)</sup> L. 93/2002, 20. gr. <sup>2)</sup> L. 162/2010, 66. gr. <sup>3)</sup> L. 43/2007, 7. gr. <sup>4)</sup> L. 90/2000, 4. gr.

### ■ 15. gr.

□ Ef maður, haldinn smitsjúkdómi, fellst ekki á að fylgja reglum um umgengni við aðra eða rökstuddur grunur er um að hann hafi ekki fylgt slíkum reglum getur sóttvarnalæknir ákvæðið að hann skuli lagður inn á sjúkrahús í einangrun eða að hann skuli einangraður með öðrum hætti.

□ Telji sóttvarnalæknir nauðsynlegt að einstaklingur sé settur í einangrun skv. 14. gr. eða 1. mgr. þessarar greinar og framkvæmdin er í andstöðu við hinn smitaða skal sóttvarnalæknir svo fljótt sem verða má bera ákvörðunina skriflega undir heráðsdóm í því umdæmi þar sem hinn smitaði dvelst þegar einangrunar er krafist. Í kröfum sóttvarnalæknis skal koma fram ítarleg lýsing á málavöxtum og nauðsyn einangrunar og tiltekkinn sá tími sem einangrun er ætlað að vara, auk annarra gagna sem málíð kunna að varða. Dómari skal taka málíð fyrir án tafar og skipa þeim er sætir einangrun talsmann, ef hann óskar þess, samkvæmt ákvæðum laga um meðferð [sakamála]<sup>1)</sup> um verjendur og skal gefa honum kost að bera fram ósk um hver verði skipaður. Dómari getur aflað gagna af sjálfssdáðum. Dómari kveður síðan upp úrskurð

um hvort einangrun skuli haldast eða falla niður. Einangrun má ekki vara lengur en 15 sólarhringa í senn, en ef sóttvarnalæknir telur nauðsynlegt að hún vari lengur skal hann að nýju bera kröfu um slíkt undir héraðsdóm. Málsmeðferð fyrir dómi frestar ekki framkvæmd einangrunar.

□ Dómsathöfnum þeim, sem um ræðir í 2. mgr., má skjóta til [Landsréttar]<sup>2)</sup> með kæru og fer um hana eftir almennum reglum um kæru í einkamálum eftir því sem við á. Kæra frestar ekki framkvæmd einangrunar.

□ [Um kæru á úrskurði Landsréttar gilda ákvæði XXXII. kafla laga um meðferð sakamála.]<sup>2)</sup>

<sup>1)</sup> L. 88/2008, 234. gr. <sup>2)</sup> L. 117/2016, 84. gr.

### V. kafli. Ýmis ákvæði.

#### ■ 16. gr.

□ Starfrækja skal göngudeildir vegna tilkynningarskyldra smitsjúkdóma sem veita meðferð og rekja smitleiðir.

□ Á sjúkrahúsum, sem [ráðherra]<sup>1)</sup> ákveður, skal vera aðstaða til einangrunar þeirra sem eru til rannsóknar eða meðferðar vegna smitsjúkdóma eða gruns um smitsjúkdómum.

□ [Ráðherra]<sup>1)</sup> getur falið ákveðnum rannsóknastofum að ábyrgjast greiningu örvera eða smíkjudýra úr sýnum frá sjúklingum með smitsjúkdóma og fylgjast með ónæmisástandi einstaklinga gegn þýðingarmiklum smitnæmum sjúkdómum.

<sup>1)</sup> L. 162/2010, 66. gr.

#### ■ 17. gr.

□ [Kostnaður sem hlýst af framkvæmd laga þessara greiðist úr ríkissjóði. Greiðsluhlutdeild sjúklinga skal fylgja lögum um [sjúkratryggingar].<sup>1)</sup> Heimilt er þó með reglugerð<sup>2)</sup> að veita undanþágur frá greiðsluhlutdeild sjúklinga, svo sem þegar sjúklingar leita til göngudeilda smitsjúkdóma vegna greiningar og meðferðar tilkynningarskyldra smitsjúkdóma, sjúklingar eru kvaddir til rannsókna til að leita að smiti og þegar fólk er gert að sæta læknisrannsókn.]<sup>3)</sup>

□ [Læknisskoðun sem gerð er vegna umsóknar um dvalar- og atvinnuleyfi og er í samræmi við verklagsreglur sóttvarnalæknis skal greiðast að fullu af vinnuveitanda eða þeim sem sækir um dvalar- eða atvinnuleyfi. Leiði frekari læknisskoðun í ljós þörf fyrir frekari sértækar rannsóknir þá greiðir viðkomandi eða sjúkratrygging hans kostnað við þau heilsufarslegu vandamál sem greinast fyrstu sex mánuðina sem dvalið er í landinu. Vinnuveitandi greiðir læknisrannsókn sem hann óskar sérstaklega eftir.

□ Ef aðgerðir sóttvarnalæknis eru vegna hættu á farsóttum frá útlöndum eða frá Íslandi til útlanda og til þeirra er gripið á grundvelli alþjóðasamninga Alþjóðaheilbrigðismálastofnunarinnar, sem Ísland er aðili að, skulu ákvæði þeirra samninga gilda um greiðsluháttóku sjúklinga.]<sup>4)</sup>

<sup>1)</sup> L. 112/2008, 67. gr. <sup>2)</sup> Rg. 817/2012, sbr. 412/2013, 570/2014, 581/2020, 640/2020 og 703/2020. <sup>2)</sup> L. 90/2000, 5. gr. <sup>3)</sup> L. 43/2007, 8. gr.

#### ■ 18. gr.

□ Ráðherra skal með reglugerð<sup>1)</sup> setja nánari ákvæði um fyrirkomulag skráninga og tilkynninga skv. 3. gr., starfsemi rannsóknastofa sem fást við rannsóknir á sýnum frá sjúklingum með smitsjúkdóma sem lögin taka til skv. 9. gr., opinberar sóttvarnaráðstafanir skv. 12. gr., [heimild til að kveða á um læknisrannsókn eftir tilmælum sóttvarnalæknis skv. 14. gr.],<sup>2)</sup> starfsemi göngudeilda skv. 16. gr. og hvaða deildir geti veitt þjónustu, sjúklingum að kostnaðarlausu, skv. 17. gr. Þá er ráðherra heimilt að setja reglur<sup>3)</sup> ef grípa þarf til sérstakra ráðstafana vegna sóttvarna við náttúruhamfarir [og aðra vá]<sup>4)</sup>

og að setja í reglugerð nánari ákvæði um framkvæmd laga þessara.

<sup>1)</sup> Rg. 221/2001, sbr. 904/2013 og 1197/2019. Rg. 415/2004. Rg. 221/2012, sbr. 816/2012 og 226/2019. Rg. 817/2012, sbr. 412/2013, 570/2014, 581/2020, 640/2020 og 703/2020. Rg. 618/2018. Rg. 800/2020, sbr. 893/2020. <sup>2)</sup> L. 90/2000, 6. gr. <sup>3)</sup> Rgl. 301/2020. Rgl. 443/2020 (um sóttkví og einangrun vegna COVID-19). <sup>4)</sup> L. 93/2002, 21. gr.

■ **19. gr.**

...  
<sup>1)</sup>

□ Brot gegn lögum þessum eða reglum settum samkvæmt þeim varða sektum eða fangelsi allt að þemur mánuðum.

<sup>1)</sup> L. 88/2008, 234. gr.

■ **20. gr.**

Lög þessi öðlast gildi 1. janúar 1998. ....